



松下元真著  
小兒活法

ヤ 9  
1158





91-2116

小兒活法序



夫醫之為道也民命死生之所關其任不為不重矣一指之下毫釐有差則立陷人於死地噫可不慎乎哉况小兒之為病施治最難矣惟察其形色而探其病因非精其術者不能也予鄉之松下氏元真子世業醫特詳于啞科也至于元真子其術益精練而盛



行于世矣頃袖一卷來示予開之則年來醫業之暇記其常試常驗者鳩之為一書名曰小兒活法予嘗閱歷代之方書汗牛充棟不能徧觀悉識然大率輯錄古方而經驗者蓋鮮矣若元真子此編則自試用而親得其效者也且其立論嘗所自發明而適與古賢之所言符契者便舉之

雖古人之所論未得其心者措而不載焉讀者能通其意而後用其方則所謂活法者不在書而在其人而已欲鑄于梓以博施行之其意在欲救天下後世之大殃也可謂得仁人之志也

于時正德三癸巳歲九月一日讚陽後學十河氏魯軒謹序



小兒活法序

夫人者受陰陽五行之氣，  
而有寒熱五臟之分。若夫  
大人雖臟腑全具，榮衛流  
行，因七情六氣之所感而  
生病矣。況至嬰兒，則如木  
之漚，臟腑脆弱，氣血未壯，  
故尤易感病也。其治療之  
法亦誠難矣。如大人則窺  
之以脈，尋之以言，而考疾  
病之本始，是故施治亦雖



難而易如小兒則看之以  
而次之以脉看面色萃稿  
分臟腑之充衰此豈非難  
之乎故諺有之曰幼科之  
治療尤爲難矣振古所著  
之咸陽醫方甚多雖然或  
詞簡而難曉或方多而易  
迷故讀者憾焉予治療餘  
力潛心研精闡其幽拔其  
萃而作爲一篇之書名曰  
小兒活法縱有知我罪我

者豈何恨何悅哉非敢  
名綱利只其有濟人之微  
志欲罷不能之所致也凡  
厥所輯不以私論臆說正  
率由先哲格言也間有加  
愚管亦常試常用之秘方  
而多年見其驗者也於此  
一一子請附之梓人予曰  
無尚白之謝幸而免者也  
止吾止也進吾往也弟子  
思之云爾



于時正德三癸巳歲九月  
 讚陽城兒醫 松下元真  
 自序

小兒活法目錄

|       |        |      |     |      |        |        |        |     |        |
|-------|--------|------|-----|------|--------|--------|--------|-----|--------|
| 吐瀉    | 咳      | 痰喘   | 癩疾  | 疳疾   | 胎驚風    | 慢驚風    | 急驚風    | 護養法 | 初生     |
| ハキクダス | セキレハフキ | ガイソウ | カクカ | ヘキレツ | タイケウフウ | マンケウフウ | キツケウフウ | ゴヨウ | ハシメテムル |
| 十七丁   | 十五丁    | 十三丁  | 十二丁 | 九丁   | 八丁     | 五丁     | 二丁     | 二丁  | 一丁     |



痢疾 十九丁

癩疾 二十一丁

傷食 二十二丁

諸熱 二十四丁

傷寒 附傷風 二十五丁

泄瀉 三十丁

瘵口風撮口風臍風卅一丁

變蒸 三十四丁

夜啼 三十五丁

客忤 三十八丁

丹毒 三十八丁

口瘡鵝口 三十九丁

重舌木舌 三十丁

胎寒胎熱胎黃胎肥胎瘦 卅一丁

語遲 四十三丁

齒遲髮遲 四十四丁

咽喉 四十五丁

眼自 四十六丁

耳病 四十九丁

龜胸龜背 五十一丁

滯頤 五十二丁

淋病 五十三丁



遺尿 附尿床

五十四丁

驚癇

五十五丁

天鈞肉鈞

五十九丁

腹痛

六十丁

疝氣 附瘰癧

六十二丁

蛇蟲

六十三丁

黃疽

六十五丁

腫脹

六十七丁

癰癤 附腸癰

六十八丁

麻疹

水痘 七十四丁

痘瘡

七十五丁終



讚陽高松 松下元真 編集

○初生

夫小兒初生如木之漚以  
峻不可攻古謂初離母體  
口有液毒啼聲未出急用  
軟綿裹指拭去口中濁穢  
此固良法次可用黃連草  
草二味其艸調中黃連能  
去心竅惡血故也

茯苓丸 嬰童 治嬰兒初生其  
聲未發急拭其口去惡血  
不生疾病稍遲惡血入腹腹



脹氣短不能吮乳

赤茯苓

黃連

冷證去此加芍藥

枳殼

右等分爲末煉蜜丸乳汁

調下

愚按今之醫者專用五香湯滄滄皆是也夫小兒有形之後稟受之厚薄骨相之堅脆大小之不同有寒熱虛實之分而孟浪用下沉香竄之溫熱大過也虛者補之實者瀉之熱者清之寒者溫之此先哲之格

言也一偏投藥則豈其膠柱之類乎醫云乎哉

○小兒護養法

古人云養子宜調護日夜莫怠慢乳多終損胃食壅即傷脾被厚非爲益但薄衣所宜無風類見日寒暑順天時云

凡小兒之治法先察形色與脈而後可施治予祖父相傳三世業堙科之法雖然未能意得嗚呼醫道仁



術也皆以好生為心不務  
聲名不計貨利惟欲救人  
之命則病無不愈

○急驚風

夫急驚風之証有因外因  
內外生者或耳聞不常之  
聲目見異物發是也內生  
者或傷飲食或痰生熱熱  
生風發是也故治法別內  
外可治治外須當養神治  
內宜清降蓋小兒者本元  
氣不足神氣不定故每物

易驚驚則神不守舍故痰  
聚也痰聚則生熱熱生風  
搐搦反張心肝脾病也心  
主熱肝主風脾主痰痰熱  
風三者相因發也其症發  
搐牙關緊急潮熱痰涎壅  
喘百日內見此證一二發  
不止者死

利驚丸 治小兒急驚風  
痰盛發熱搐搦

青黛 輕粉 各一錢  
牽牛子 半兩 天竺黃 二錢  
右為末練蜜如小豆大丸



三粒薄苛湯下

敗毒散春治急驚風初起

發熱手足搐搦上竄并一切感冒及瘡疹欲出發痛

並宜服之

人參

羌活

獨活

柴胡

前胡

茯苓

桔梗

川芎

枳殼

天麻

全蝎

白附子

姜蚕

地骨皮

各等分

甘草

減半

右入生姜水煎

抑肝湯

小兒直訣

治肝經虛熱

發搐或發熱咬牙或驚悸

寒熱或木乘土而嘔吐痰涎腹脹不食睡卧不安者

當歸 一錢 川芎 八分

白木 一錢 茯苓 一錢

柴胡 五分 釣藤 一錢

甘草 五分

右木煎子母服

寶鑑天麻散

直訣 治急驚脾

胃虛弱或變慢驚者

半夏 七錢 天麻 二錢半

白朮 茯苓 甘草 各二錢

右入生姜煎



宣風散<sup>直</sup> 治急驚搐搦不定

檳榔子<sup>二錢</sup> 陳皮

甘艸<sup>各五錢</sup>

牽牛子<sup>四錢半生半炒</sup>

右水煎

天麻防風丸<sup>門百</sup> 治一切驚風

壯熱痰盛恐怖

天麻 防風

人參<sup>各一兩</sup> 姜蚕<sup>炒</sup>

全蝎<sup>各五錢</sup> 牛黃<sup>一錢</sup>

辰砂 雄黃<sup>各二錢半</sup>

炙甘艸<sup>一兩</sup> 麝香<sup>一錢半</sup>

右末煉蜜丸梧桐子大二十

五九薄荷湯下

三宅氏一子三歲時患驚

風其症牙關緊急上竄搐搦

搦有痰涎啼聲不出衆醫

作慢驚治之無効因使予

治之予曰此非慢驚癇驚

也因與癇疾門淨府湯加

減而兼用予家秘方蜜丸

病勢大半安後五味異功

散加天麻釣藤全愈

蜜丸 此方妄不傳

○慢驚



赤水玄珠云慢驚屬陰為寒為虛多發于大病之後或先有吐瀉不善調理或尅伐過度損傷脾胃夫脾屬土主四肢虛則四肢冷手指微動或口角掣動面色青二便利是其候也與急驚大不相同蓋急驚乃初病之症元氣未虛邪氣正盛故搐抽大作症雖急乃有餘之症治可攻擊使二便通利痰降熱散而愈也慢驚則病後虛弱無氣

以言無氣以動無力搐抽元氣大虛故也治惟溫補使胃氣漸回大便結實自愈云

凡雖慢驚一概溫藥不可用若手足如水冷者可用尚有陽證者必不可用

理中湯門 治吐瀉後脾胃虛弱四肢冷

人參 白朮

乾姜 各等分 甘草 少

醒脾散 治小兒吐瀉不正作慢驚風脾困昏沉



因  
默不食

人參

白朮

白茯苓

木香

天麻

白附子

全蝎

薑蠶

炙甘草

姜棗煎服

太乙保生丹

治慢驚尚

有陽證

全蝎

白附子生

姜蚕

牛膽南星

蟬脫

琥珀各一錢

麝香半錢

防風

朱砂各一錢

金箔二片作衣

右為末 粟米糊為丸 每服

二九薄荷湯下

惺惺散

吐瀉後脾弱

內虛

人參

茯苓

木香

天麻

全蝎

白扁豆

陳皮各等分

姜棗煎

星香散

治慢驚風

木香

天南星

人參

陳皮各一錢

全蝎炙

甘草各五分

入紫蘇 姜棗煎服

烏沈湯

治慢驚

天麻二錢

人參



生川烏頭

全蝎

天南星

木香

沉香 各一錢

甘草 半錢

姜煎服

釣藤散

珠

治吐利脾胃氣

虛成慢驚

釣藤 七錢

蟬蛻

天麻

防風

全蝎尾

人參 各五錢

麻黃

姜蚕

川芎

甘草 各二錢半

麝香 少許

白水煎

人參安胃散

訣直

治因服峻

劑脾胃虛或成慢驚

人參 一錢

黃芪 二錢

生甘草 五分

炙甘草 同

芍藥 七分

茯苓 四分

黃連 二分

水煎

胎驚風

胎驚風者孕婦調攝非常飲酒嗜欲忿怒驚恐或外

挾風邪傷胎故子乘母氣生下即發也其症壯熱嘔

吐身腰強直手足抽掣翻

眼驚啼或頰赤或面青噤口咬牙眼合痰涎壅盛視其肩間色紅赤者可治若



色青黑者不可治

**保命丹** 門百 治小兒胎驚內

釣腹肚緊硬眠睡不安夜

多啼哭及急慢驚風眼目

上視手足抽掣不省人事

悉皆主之冷症用此

全蝎 十四箇 防風

天麻 天南星

白附子 姜蠶 各二錢

蟬蛻 朱砂 各一錢

麝香 五分 金箔 十片

有熱加牛黃片腦右為末

粳米糊丸金箔十片為文

**全蝎散** 門百 治傳慢驚

全蝎 蟬蛻

天南星 甘草 木煎

**釣藤散** 治吐利脾胃氣

虛成慢驚 方見慢驚門

○痺疾

諸痺皆脾胃之病也內亡

津液成痺也故入門云痺

者乾也瘦痺少血也云又

曰二十歲以下曰痺二十

歲以上曰癆源一也云

生生子曰小兒痺症最為



重候フシヒシ願痺カニカニ字從其明嗜食  
其肥成積生虫損傷脾胃

成痺云

消痺湯春

治小兒大便

色白小便渾濁或澄如米

泔此痺病也

白木 茯苓 山查子

白芍 黃連姜汁 澤瀉各一

青皮四分 甘草三分

姜棗水煎

生熟地黄湯明

治痺眼閉

合不開內有膠霧

生地黄 熟地黄 各半兩

當歸 川芎 茯苓

半夏 枳殼 杏仁

黃連 天麻 地骨皮

甘草 各二錢半

姜三片 黑豆二十粒水煎

清肺湯珠 肺痺咳嗽氣

逆多啼壯熱惡寒

桑白皮五錢 麥門冬

紫菀 前胡 黃芩

防風 當歸 連翹

桔梗 茯苓 生地黄

甘草 各二錢五分 水煎服

香薷丸珠 痺瀉



黃連 姜汁炒三錢

肉荳蔻 煨 木香

訶子 破仁 茯苓

右末飯丸米湯下

木香丸 治痢冷熱不

調五色雜下裏急後重

黃連 二錢 木香 夜明沙

厚朴 砂仁 訶子 各一錢

右末粳米飯丸艾葉生姜

煎湯下

四味肥兒丸 直 嘔吐不食

腹脹成疳作瀉不止或食

積脾疳目生雲翳口舌生

瘡牙齦腐爛發熱瘦怯遍

身生瘡小便澄白腹大清

筋一切疳症

黃連 神麩 燕薹仁

麥芽 各等分 右末糊丸

黃耆湯 治疳勞咳嗽

不定虛汗骨蒸渴而復濕

乳食遲進而不化

黃芪 當歸 生地黃

川芎 白芍 蝦蟇 去足

鼈甲 醋炙各三錢 人參 炙

茯苓 陳皮 史君子

半隻 柴胡 甘草 各一錢



右姜棗煎食前服

君朴丸門百治小兒諸疳小

便白濁久則黃瘦不長肌

肉史君子厚朴

黃連各一兩 木香 三錢

右糊丸

五疳湯家方調合治疳痢疳積

人參 白朮 茯苓

甘草 神麴 木香

陳皮 菝葜木 檳榔子

山查子 水煎

補中益氣湯異功散錢氏

白朮散從症加減可用

○癰疾

癰者僻於兩脇時々作痛

也惟癰能發潮熱或寒原

因乳食失調飲食停滯邪

氣相搏而成癰矣生生子

曰小兒臟腑不和營衛不

暢津液不得流通冷氣搏

之則結聚而成癰矣云

淨府湯春回治小兒一切癰

塊發熱口乾小便赤或泄瀉

柴胡 茯苓 猪苓

澤瀉 三稜 菝葜木



山查子 各二錢 黃芩

白朮 半錢 人參 各八分

甘草 胡黃連 各三分

姜棗煎服

消食丸 治小兒飲食

乳哺取冷過度冷氣積於

脾胃乳食不消成癖此藥

寬中快氣消乳食

砂仁 陳皮 三稜

莪朮 神麩 麥芽 兩

香附子 兩

右為末麩糊丸

異香散 治腎氣不和腹

膨脹

脇膨脹痞悶 噎塞喘滿 飲食難化 噎氣刺痛 能破癥瘕 瘕和胃進食

蓮肉 莪朮 三稜

益智 甘草 各六兩 青皮

陳皮 各三兩 厚朴 二兩

姜棗 鹽煎

檳榔丸 治小兒傷食得

之腸助痛飲食不下吐逆

惡心

檳榔 五錢 木香 麩裏煨

青皮 五錢 巴豆 三十粒 去殼同炒去巴豆

陳米 半合 炒 糊丸



若癰病日久則元氣虧損  
宜多服補中益氣湯養正  
氣積自去

○痰喘

夫小兒痰喘乃心火尅肺  
金或寒邪停溜肺愈寒化  
為熱必生痰喘又有馬脾  
風症不速治立危入門云  
馬脾風因肺寒甚痰嗽

喘急 痰症最危云

三拗湯 治傷風寒咳嗽

喘急 麻黃 杏仁

甘草 各等分

姜煎

九寶湯

治風寒喘急咳

嗽不能伏枕大人小兒共

陳皮 紫蘆 桑白皮

甘艸 杏仁 大腹皮

薄荷 麻黃 官桂 各五分

生姜烏梅水煎

生脉湯

肺氣大虛氣促

上喘汗出而息不續命有

須臾

麥門冬 五錢

人參 二錢

五味子 三十粒

水煎

牛黃奪命散

暴喘俗呼



馬脾風此方主之

白牽牛子 黑牽牛子 各五錢  
大黃 檳榔子 各一兩

右末水調下

瓜蒌積實湯 治痰喘

枳實 貝母 瓜蒌仁  
茯苓 陳皮 山梔子

黃芩 桔梗 當歸

砂仁 木香 甘草

水煎

五虎二陳湯 治息早喘

咳痰盛欲絕

陳皮 半隻 茯苓

甘草 麻黃 杏仁

石羔二錢 人參八分 細茶一撮

沉香 木香 各五分 水煎

惺惺散 治傷寒時氣風

熱痰壅咳喘

桔梗 細辛 人參

甘草 茯苓 白朮

天花粉 薄荷 水煎

參蘇飲 二陳湯 木君子湯

從症加減可用

三歲小兒患痰喘其症熱甚面赤時驚惕上竄搐搦不能乳眾醫作急驚治之



田  
無効因使予視之診其脉  
浮數而有力此似驚而非  
驚乃風熱也因與惺々散  
加減而全安

○咳嗽

有傷風咳有傷乳食咳有  
痰咳有火咳有虛咳風者  
鼻塞或流涕乳食者胸  
腹飽悶發熱日輕夜重痰  
者一咳便有痰喉中常有  
痰聲火者發熱面赤小便  
澀虛者呼吸力微大小便

利體倦而面色青白

參蘓飲

春

治小兒四時

感冒發熱頭痛咳嗽鼻塞  
聲重一切喘急痰涎

紫蘓

陳皮

前胡

桔梗

半夏

茯苓

乾葛

枳殼

各等分

甘草

人參

二味減半

木香

少許

姜煎

茯苓厚朴湯

珠玄

治傷乳食

停痰咳嗽或吐白沫氣喘

茯苓

半夏

各一錢半

厚朴

五分

甘草

二分

姜煎



又傷乳食咳嗽二陳湯加  
蘿蔔子杏仁枳殼麥芽山  
查子厚朴可用咳自止赤水

〔二〕陳湯春治一切痰飲咳嗽

陳皮 半夏 茯苓

甘草 水煎

〔瀉白散〕直訣化痰止咳下氣

進食瀉肺火

桑白皮 地骨皮各一兩

甘草 二錢 加粳米煎服

〔清化丸〕珠火剋肺金咳嗽

喘急

貝母 知母各一兩 巴豆二下

右同炒去巴豆只用一母  
為末煉蜜為丸每服二十  
丸小豆大白湯下

脾肺之氣不足咳嗽六君  
子湯加五味子桑白皮用  
夏月咳嗽多汗喘咳無力  
生脉湯准也

〔七味清脾湯〕 因虫久嗽  
不止

厚朴 烏梅 半夏

青皮 良姜 草菓

甘草 水煎

〔東垣加減瀉白散〕 治陰氣



在下陽氣在上咳喘嘔吐

桑白皮一錢 地骨皮七分

人參 五味子 陳皮

青皮 各五分 茯苓三分

粳米二十粒 水煎

○吐瀉

夫小兒吐瀉皆多因乳食

過度脾胃俱虛成吐瀉或

有傷暑吐瀉者或有傷寒

吐瀉者明別病因可治

藿香平胃散 治傷乳食

吐瀉

藿香 陳皮 厚朴

蒼朮 神麴 砂仁

甘草 姜煎

濟生竹茹湯 治熱吐口

渴煩燥

陳皮 乾葛 甘草

麥門冬 竹茹 生姜

右水煎熱甚者加黃連製

益元散 治傷暑作吐

滑石 六錢 甘草 一錢

右為末姜汁調灯心湯下

異功散 治吐瀉不思乳食

人參 茯苓 白朮



甘草 陳皮 木香  
棗煎

參香散珠 治胃虛寒吐

人參 沉香 丁香  
藿香 木香 各等分

為末三五分 米飲調下

七味白朮散春 治脾胃虛吐瀉

人參 白朮 茯苓  
甘草 藿香 木香

乾葛 水煎

益黃散直 治小兒吐瀉脾虛不食米穀不化

陳皮 丁香 訶子

甘草 青皮 木煎

六君子湯五苓散理中湯

不換金正氣散等從症加減可用

○痢疾

小兒痢疾外感少而內傷多故曰無積不成痢也腹中食積也合先導導宿食分利濕熱然後止之不可驟用補澁之劑入門云痢利也法當下利云



芍藥湯春 治赤白膿血

急後重腹中疼痛

白芍藥 當歸

酒黃連 酒黃芩

木香 檳榔子

枳殼 甘草 水煎

保和丸醫方 治食積痢腹痛

神麩 山查子各二兩

陳皮 半隻各一兩 連翹炒各五錢

蘿蔔子

右糊丸白湯下

地榆散門百 治瀉痢血痢

地榆 訶子 甘草

為末米飲調下

寬腸枳殼散門百 順氣止痢

枳殼二兩四錢 甘草六錢

為末白湯調下

奇效湯 治赤白痢

黃連 黃芩 白芍藥

厚朴 枳殼 山查子

檳榔 青皮 甘草

當歸 地榆 紅花

木香 桃仁 水煎

參歸芍藥湯春 治痢久下

二十日痢去多不止

人參 當歸 芍藥



茯苓 礞石 山藥

陳皮 甘草 水煎

一本有白木疑芍藥為異

谷又曰傳寫之誤乎

參連湯 治噤口痢

人參 黃連各二錢 水煎

一方 治白痢 有口傳

黃芩 白芍 蒼朮

木香 檳榔 陳皮

甘草 水煎

黃連解毒湯 治痢熱甚

煩躁

黃連 黃柏 黃芩

山梔子 水煎

胃風湯 養臟湯 調和飲食

氣湯 類從症可用

十歲小兒患痢疾赤白相

雜日夜三十余行身無熱

脈緩此易治之症也病中

恣口傷食其症有發熱嘔

吐而脈結病家愕然而集

衆醫一醫日全不治之症

也至夜陰則發呢死數予

愀然應之曰此何不治之

症乎前日問食何物曰前

好食餅因悟曰此熱物內



停滯而閉澁脉道宜哉見  
 結脉乎予與之平胃散加  
 神麩麥芽山查子姜製黃  
 連二貼而嘔吐止利又減  
 脉和後五味異功散加減  
 而全安

○瘧疾

天瘧者不外於外感內傷  
 二者治同大人當於大人  
 科考治茲但集數方而已  
 九味清脾湯珠 治瘧瘧熱  
 而不寒或熱多寒少膈滿

不能食口苦舌乾煩渴小  
 便黃赤大便秘不利

- |    |    |    |
|----|----|----|
| 青皮 | 厚朴 | 白木 |
| 草菓 | 柴胡 | 茯苓 |
| 半復 | 黃芩 | 甘草 |

生姜煎

養胃湯門百 治外感風寒內

傷生冷為瘧

- |    |    |    |
|----|----|----|
| 人參 | 蒼朮 | 半復 |
| 厚朴 | 藿香 | 陳皮 |
| 草菓 | 茯苓 | 甘草 |
| 烏梅 | 姜煎 |    |

胡黃連散門百 治小兒瘧



人参 柴胡 胡黃連  
 草菓 檳榔 甘草  
 各等分 水煎

**七味清脾湯** 治脾瘧食瘧

虫瘧 方見咳嗽門

**青皮湯** 家方調合 有口傳 治瘧疾足

冷煩渴 癰塊 腹鳴嘔吐熱

青皮 柴胡 白芍  
 破仁 香附 前胡  
 白朮 檳榔 水煎

截法

赤水玄珠云寒多熱少者  
 俱平胃散加常山草菓截

之此內傷瘧也熱多寒少者俱白虎湯加常山草菓截之寒熱相半者俱小柴胡湯加常山草菓截之此外感瘧也云然早不可截

○傷食

小兒宿食不消者脾胃冷故也宜消導

**消食散** 治小兒傷食腹痛

神麩 麥芽 山查子  
 砂仁 苡草 白朮  
 陳皮 青皮 姜煎



小兒飲乳過飽腹脹不乳者不必他藥只麥芽一味煎可用

加味平胃散訣 宿食不化者此方主之

蒼朮 陳皮 厚朴

甘草 神麩 麥芽

水煎

枳實大黃湯春 治胸腹有

食積大便不通者

枳實 厚朴 檳榔子

大黃 甘草 水煎

香砂平胃散春 治食積痛

蒼朮 陳皮 香附子

厚朴 枳殼 山查子

神麩 砂仁 木香

肉桂 乾姜 甘草

右水煎服

○諸熱

小兒之病其熱多夫熱有虛有實實熱面赤氣麁口渴唇腫大小便難虛熱面色青白恍惚神緩口冷泄瀉多尿夜出虛汗是也能別虛實可治



敗毒散門百 治傷寒風濕頭  
目昏眩四肢痛憎寒壯熱  
及咳嗽鼻塞聲重

柴胡 前胡 川芎

枳殼 羌活 獨活

茯苓 桔梗 人參

甘草 姜煎無汗加麻黃

惺々散門百 治小兒風熱傷

寒時氣頭痛壯熱咳嗽喘

急鼻塞涕

人參 白朮 茯苓

甘草 桔梗 天花粉

薄荷 細辛 姜煎

大連翹飲春回 治小兒胎毒

丹毒腫痛發熱

連翹 瞿麥 車前子

滑石 赤芍 牛蒡子

梔子 木通 當歸

防風 紫胡 黃芩

荆芥 蟬退 甘草

右竹葉燈草煎

地骨皮散直訣 治虛熱潮熱

傷寒壯熱

知母 柴胡 茯苓

半夏 人參 甘草

地骨皮 姜煎



七味白朮散 治小兒虛熱

方見吐瀉門 諸熱以寒藥

不解則可用此方能解小

兒虛熱用口傳

香葛飲 治小兒夾食夾

驚傷寒熱

香附子

紫蘓

陳皮

青皮

葛根

甘艸

姜煎

小柴胡湯九味清脾湯瀉

黃散類從症可用

○傷寒 附傷風

夫傷寒冬時觸冒嚴寒即

發為病者名曰傷寒不即

發寒毒藏于肌膚之間至

春陽氣發生則寒毒與陽

氣相搏發者名曰溫病至

夏感熱氣發者名曰熱病

其受病之因冬寒毒藏於

肌骨而自裏發之故通而

此曰傷寒凡治小兒傷寒

須辨表裏傷寒有表症有

裏症有半表半裏在表者

宜汗在裏者宜下在半表

半裏者宜和解傷風宜發散



麻黃湯門百 治傷寒頭痛發

熱身痛惡風無汗而喘

麻黃 桂枝 杏仁

甘草 水煎

柴胡散門百 治小兒傷寒無

汗有表症壯熱頭痛身體

痛口乾煩渴小便赤大便

秘火驚

石膏 黃芩 赤芍藥

甘草 麻黃 葛根

柴胡 葱白 生姜煎

人參敗毒散 治傷寒頭痛

壯熱惡風及風痰咳嗽鼻

塞聲重或熱毒頭面腫痛

方見諸熱門

九味羌活湯回春 治傷風寒

熱頭頂脊腰四肢強痛并

四時感冒

羌活 防風 蒼朮

川芎 白芷 生地黃

黃芩 細辛 甘草

姜煎

小承氣湯門百 治傷寒六七

日不大便腹脹滿悶汗後

不惡寒潮熱狂言喘者

大黃下兩微炒 厚朴半兩



枳實 一兩炒 水煎

大柴氣湯門百 治剛痊胸滿

內實口噤咬牙太熱渴太

便秘ヒビスル

大黃 半兩 芒硝 同

厚朴 一兩 枳實 同 姜煎

小柴胡湯門百 治傷寒溫熱

病身熱惡風頸項強急胸

脇滿痛耳聾嘔吐口苦寒

熱往來ヒキツ

人參 黃芩 甘草

柴胡 半夏 姜棗煎

大柴胡湯門百 治傷寒十餘

日邪氣結在裏寒熱往來

邪實太盛大便秘澁腹滿

脹痛譫語心中痞硬飲食

不下或不大便五六日遠

臍刺痛時發煩躁兼臟腑

實脈有力者可服

柴胡 八錢 黃芩 三錢

赤芍 同 半夏 半兩

大黃 同 枳實 五錢

姜棗煎

陰且湯門百 治傷寒肢節疼

痛內寒外熱虛煩

桂 二兩 芍藥 一兩半



黃芩 一兩半 乾姜 炮 一兩半

甘草 炙 一兩 棗煎

〔人參白虎湯〕 治傷寒吐下

後七八日不解熱結在裏  
內外俱熱時惡寒大渴太  
汗煩渴不解脈洪大者

石膏 知母 甘草

粳米 人參 水煎

〔九味清脾湯〕 用有傷寒寒熱

口苦熱不退妙也

左見瘧疾門

凡傷寒治法仲景傷寒論  
可考粗茲述之



片山氏適子十一歲時患

傷寒其症傳裏熱甚譫言

妄語全不食大便閉結不

通診脈沉數而有力衆醫

束手因使予視之予曰證

雖重神不悴全雖不食尚

有胃氣因爲之與一方

柴胡 黃芩 大黃

枳實 甘草 人參 生姜

二貼而熱解大便通後

前方除大黃枳實加人

參天花粉十貼而愈

○附傷風藥方



惺惺散惺惺散 治外感風寒鼻  
塞痰嗽發熱春

人參 白朮 茯苓

甘草 桔梗 天花粉

細辛 薄荷 水煎

參蘇飲 治小兒感冒風

寒發熱頭痛痰涎咳嗽此

藥退熱寬中快胸止嘔吐

開胃進食 方見咳嗽門

陳風枳殼湯珠 治胃風發

熱咳嗽面赤大便秘結

紫蘓 枳殼 各三錢

杏仁 二錢 水煎

秘旨清肺散直 治感冒發

熱鼻流清涕或咳嗽吐痰

輕者勿藥病愈重者用此

輕和之劑

陳皮 半夏 桔梗

川芎 茯苓 桑白皮

甘草 防風 薄荷

黃芩 白朮 姜煎

不換金藿香正氣散香蘇  
散類從症可用

○泄瀉セツリヤ

夫泄瀉症別冷熱可治冷



用  
瀉脾虛而受冷水穀不化  
泄瀉注下熱瀉者大便黃  
而赤或有沫能辨冷熱可  
用藥

益黃散門百 治小兒受寒瀉  
利青白門百

陳皮 丁香 訶子

青皮 甘草 水煎

理中湯門百 治小兒脾胃虛

洩利門百

人參 白朮 乾姜

甘草 水煎

銀白散門百 治冷瀉糞青壯

胃氣

糯米炒 白扁豆 各二兩

藿香 白朮 各一兩

丁香二錢 甘草三錢

右為末紫蘇米飲下

白朮散門百 治小兒熱瀉小

赤少口乾煩渴

人參 茯苓 白朮

藿香 木香 甘草

乾葛 水煎

四苓散門百 治熱瀉

澤瀉 猪苓 白朮

茯苓 水煎



柴苓湯傳家 治小兒挾熱瀉利

柴胡 黃芩 人參

半夏 猪苓 澤瀉

茯苓 白朮 甘草

異功散 參苓白朮散 胃苓湯等從症可用

○噤口風撮口風臍風

初生噤口風撮口風臍風三者一種病也受病之源皆緣胎毒噤口風眼閉啼聲漸少舌上聚肉如粟米狀吮乳不得口吐白沫木

小便皆通蓋由胎中受熱毒流心脾故形見於喉舌間也或生下後為風邪搏擊所致百二十日已前見此皆名噤口風撮口風面目黃赤氣自喘急啼聲不出蓋由胎中受熱兼之風邪入臍流毒心脾之經故令舌強唇青聚口聚面妨於吮乳若口出白沫四肢冷者不可救也蓋撮口最為惡症初生七日內見之百無一活臍風斷臍之後



被風濕因元胎中受熱毒發之其症腹脹臍腫日夜多啼不能飲乳嬰童百門云或熱在胸堂伸引努氣亦令臍腫可與千金龍膽湯云

初生兒臍帶落後二三日之間必不可浴洗浴之時濕入所致也慎之慎之  
千金龍膽湯門百 治胎驚月內氣盛發熱臍風撮口壯熱四肢搐掣  
龍膽 炒黑 釣藤 柴胡

黃芩 桔梗 甘草  
芍藥 茯苓 各二錢半  
大黃 蟻螂 二枚去翅足  
水煎

撮風散門百 治撮口  
為末用蜜調

殭蠶膏門百 治撮口  
付唇口中立効  
赤脚蜈蚣 灸  
朱砂 全蝎 殭蠶  
麝香 字 為末每服一字  
用竹瀝調下竹瀝解熱

大連翹湯門百 治瘡疹壯熱



小便不通諸般瘡癰丹毒  
臍風

連翹 瞿麥 荆芥

木通 當歸 防風

赤芍 柴胡 滑石

蟬退 耳艸 山梔子

黃芩 煎服熱甚加大黃

定命散 治初生兒口噤

不開

蟬蛻 十四箇去嘴脚

全蝎 十四箇去毒

右為細末入輕粉少許和  
勻用乳汁調乳前服少許

瀉黃散 治噤口風舌上  
生瘡吮乳不得口吐白沫

藿香 山梔子 石羔

防風 甘艸 木煎

○變蒸

嬰童百門云巢氏云小兒  
變蒸者以長氣血也變者  
上氣蒸者體熱云

人門云小兒初生形體雖

真臟腑氣血尚未成就而

精神志意魂魄俱未生全

故三十一日一變六十四



日一蒸凡遇一變即覺性

情有異於前云

蓋變蒸非謂生臟腑初離

母體則臟腑自具足生豈

變蒸生臟腑哉其生下見

一聲便能呼吸飲乳二便

通若無臟腑啼聲安出又

安能飲乳而成大小便哉

變蒸者乃生臟腑之精神

志意魂魄爾云

此症輕者雖不服藥自愈

重者可用輕和之劑

清解湯珠 變蒸熱多寒少

面赤息粗有似傷風表裏  
無汗或發癩疹咳嗽並皆  
治之

柴胡 前胡 酒芩

芩艸 葛根 杏仁

枳殼 白芍 木煎

惺惺散 治變蒸發熱或

咳嗽痰涎鼻塞聲重瘡疹  
發熱

人參 白朮 茯苓

芩艸 桔梗 細辛

白芍 麥芽 姜煎

當歸散門 治變蒸有寒無熱



當歸 木香 人參

肉桂 其艸 姜棗煎

調氣散珠 變蒸吐瀉不乳

多啼

水香 香附子酒製

人參 陳皮 藿香

其艸 姜棗煎

○夜啼ヨナキ

夜啼者臟冷也至夜則陰盛而冷腹痛故夜啼或有心熱煩啼必面色赤舌白小便赤澁愚每見小兒日

夜有啼此胎毒欲發而有啼也能辨症可施治又有欲飲乳到口便啼身額皆熱者看其口若無瘡必喉舌腫痛因各門可治  
釣藤飲 治小兒夜啼至夜則陰盛冷腹痛

釣藤 茯神 茯苓

川芎 當歸 白芍藥

木香錢各 其艸五分 姜棗煎

或心熱而煩啼面色赤舌白小便赤澁之症釣藤飲去木香當歸加辰砂末木



通煎服

六神散

直訣

面青腹痛啼哭

口中冷氣四肢冷曲腰而

啼大便泄瀉及不吃乳

人参 山藥 白朮

甘草 茯苓 白扁豆

姜棗煎服

乳頭散

珠玄

夜啼不止腹中

疼痛

黃芪 當歸 甘草

木香 赤芍藥 各等分

右為末每服塗少許乳頭

上令兒吮之

安神散

治小兒驚啼作

心經有熱有虛治

人参 黃連 姜汁炒各錢半

甘草 竹葉姜煎

導赤散

明鑑

治心躁號啼小

便赤口中熱腹熱或有汗

仰身而啼至曉方息

生地黃 木通 甘草

右入竹葉煎加黃芩可若

不效可用通心飲

通心飲

明鑑

水通 連翹

瞿麥 黃芩 山梔子

甘草 各等分 水煎



小兒直訣云若面色白及  
白睛多者屬腎氣不足至  
夜則陰盛而腹痛也用六  
味丸若臉青唇白或小便  
黃短屬脾氣不足至夜則  
陰盛而腹痛也用鈞藤散  
若臉紅舌白或小便赤澀  
小腸熱也用導赤散加辰  
砂若不應屬腎火用地黃  
丸唇色青白口中氣冷或  
肢體冷或泄瀉曲腰或泄  
瀉不乳此脾腎虛弱用六  
神散云

○客忤

客忤者嬰兒心氣不足外  
邪易而觸之或眼見犬畜  
異物耳聽異聲忤之其症  
驚啼口出沫面色變易喘  
急腹痛反側瘈瘲有似驚  
癇但目不上竄耳

雄麝散 治客忤腹痛危急

雄黃一錢 乳香五分

麝香一字

右末刺鷄冠血調灌

鈞藤飲 治小兒客忤



方見夜啼門

○丹毒

小兒丹毒者，妊母好食酒麵煎炙辛熱等物，兒受其熱毒，以發丹毒。或一歲之間頻洗浴而濕熱之氣鬱蒸不散，發為丹毒。或烘尿衣不乾，即着濕熱薰蒸，此能致毒發于四肢者，易治。發于頭面胸背，令兒煩悶，腹脹其熱如火，痛不可言，若入腹入囊者，難治。

清上散

珠女

治胎毒丹毒

鬱金

甘艸

桔梗

乾葛

薄荷

天華粉

各等分，為末，入蜜拌勻。

白湯下，加外麻可也。

大連翹飲

治小兒胎毒

丹毒

方見諸熱門

犀角消毒飲

春治小兒丹毒

牛旁子

荊芥

防風

黃芩

犀角

甘艸

右水煎

十味消毒飲

家方

治丹毒胎

毒神效

此方妄不傳



十味連翹湯加味葛根湯家方

今茲不記

凡丹毒者以清心火去濕熱為主

○口瘡鵝口

口瘡者心臟積熱也或元稟胎毒或乳母過食炙煇辛熱等物熱蘊心脾傳兒生口瘡鵝口者心脾熱也口舌生瘡白如鵝之口故曰鵝口也

加減瀉黃散治心脾熱

盛口舌生瘡

山梔子 防風 藿香  
甘艸 石膏 連翹  
外麻 水煎

一方 治小兒鵝口

黃丹一味水飛研末炒  
黑參舌上即愈內服消

犀角消毒飲門百

牛旁子 荆芥 甘艸  
防風 犀角

愚謂若飲寒涼藥不効者此中焦虛熱也七味白朮



散可加減

○重舌木舌

重舌、心脾熱盛而熱毒附、干舌根而肉壅腫、形重生、如舌者短小而腫曰重舌、木舌者心脾之積熱上衝、故舌尖腫大塞滿口中、或硬如木不能轉掉不能言語、此曰木舌若不急治必致害人、  
當歸連翹湯 治小兒心脾有熱舌下有形如舌而

小者名曰重舌及唇口兩

傍生瘡

歸尾

連翹

白芷

各三錢

大黃

甘草

各一錢

水煎

〔千金方〕

治重舌木舌

黃柏用竹瀝浸一宿點

舌上

〔瀉黃散〕

治心脾熱盛車

舌木舌等症

藿香

山梔子

石羔

甘草

防風

水煎

○胎寒胎熱胎黃胎肥胎瘦



胎寒則兒在胎中而因母感寒邪或傷生冷生後身冷口氣亦冷腸鳴瀉利青黑腹痛不乳也胎熱則兒在胎中母因食熱毒之物生後身熱面赤眼閉口中氣熱大小便不利或通利即有血水胎黃則小兒生下遍體面目皆黃狀如金色身熱大便不通小便如梔子汁不思乳食啼叫者母因食濕熱之物傳于兒有此症胎肥則生下肌肉

厚遍身色紅滿月後漸瘦五心煩熱大便難時々出涎胎瘦則生下面白肌肉瘦弱大便色白身無血色時時噎氣多穢

白姜散 治胎寒症

- 白姜 木香 肉桂 甘草 陳皮 檳榔子 各等分 水煎

大連翹飲 治瘡疹壯熱

小便不通諸般瘡癰丹毒臍風胎熱症方見諸熱門

一方 治胎熱症



黑豆 二錢 甘草 一錢

淡竹葉 五箇

入燈草水煎子母共服

生地黄湯 治胎黃症

生地黄 赤芍藥

川芎 當歸 各等分

水煎乳母宜服忌酒麪

五辛之物

胎肥可用浴體法

浴體法

青黛 各三錢 天麻

明礬 各二錢 全蝎尾

朱砂 各五分

烏蛇肉 酒浸

右同研勻入水三升桃枝

一握同煎浴之勿洗背

八門云浴體法胎瘦者亦

宜云然直訣云浴體之法

乃開發腠理 跡泄陽氣者

也胎瘦用浴體之法恐復

傷真氣也胎瘦弱者因父

精不足或母氣虛弱用不

物湯父精不足用地黃丸

俱加漏蘆子母共服之

語違

小兒四五歲不能言者嬰



兒在胎時其母卒有驚怖驚怖心氣不足母之心氣不足心氣不足則兒之心氣不足故舌本不通語遲也

菖蒲丸

春

治語遲

人參

麥門冬

石菖蒲

遠志

當歸

川芎各一錢

乳香

硃砂各一錢

為末煉蜜丸米飲下

○行遲

行遲肝腎之不足也肝主筋腎主骨筋弱不能秉骨

故痿弱不能行內經云足

得血而能步云

腎氣丸

珠

治下元不足行遲

熟地黄

酒蒸熟四兩

山藥

山茱萸

各二兩

茯苓

牡丹皮

澤瀉各一兩半

右末煉蜜丸最加牛膝五

加皮鹿茸可

牛膝散

珠

三歲不能行走

五加皮六錢

牛膝

木瓜各五錢

右末一錢

米飲入酒少許調下

調元散

春

治小兒稟受元



氣不足語遲行遲

山藥 當歸 熟地黃

川芎 人參 黃芪

白朮 茯苓 白芍藥

茯神 甘草 石菖蒲

右生姜棗煎子母共服

○齒遲髮遲

齒遲腎氣之不足也蓋腎主骨齒者骨之餘也腎氣不足則齒生遲也髮遲血氣不充也髮血之餘故也  
芎藭散 治齒生遲  
此方

川芎 當歸 乾山藥

茸艸 白芍藥 各等分

右為細末用白湯調食後服將此乾山藥末擦齒斷即生

○菴蓉丸 治髮遲

肉菴蓉 川芎 當歸

熟地黃 芍藥 各等分

胡粉 減半 為末蜜丸

珠大每十九丸黑豆煎湯下

○咽喉

咽喉腫痛風毒之氣容



咽喉與氣血相搏而結腫  
詳於諸書可考粗茲述之  
甘桔湯春治小兒咽喉腫  
痛風熱等毒

桔梗三錢防風 荆芥  
薄荷 黃芩 甘草各

水煎

懸危湯濟世金書治喉閉腫痛

危急之甚

桔梗 山豆根 牛蒡子  
荆芥 生甘草 玄參  
防風 升麻 竹葉  
水煎頰服

天連翹飲 治瘡疹壯熱小  
便不通諸般瘡癰丹毒臍  
風及咽喉腫痛方見諸熱門

○眼目

古人云夫世之最貴者莫  
貴於人人之最貴者莫過  
於眼者五臟六腑之精華  
一身之貴寶云

直訣云目內色赤者心實  
熱導赤散淡紅者心虛熱  
生犀散青者肝實熱瀉青  
丸淡青者肝虛熱地黃丸



黃者脾實熱瀉黃散微黃者脾虛熱益黃散白而混者肺實熱瀉白散目無睛光者腎虛也地黃丸主之云或有血眼有熱毒眼有風毒眼有痘疹入眼方附于後

導赤散 治心小腸實熱

小便秘赤

生地黃 木通 甘草

入竹葉煎

生犀散 治目內淡紅者

心虛熱

犀角 鎊二錢 地骨皮

赤芍 柴胡 乾葛 各兩

甘草 五錢 水煎

瀉青丸 治小兒赤眼多

泪睛疼心躁并消熱翳赤

驚發搐等症

當歸 川芎 防風

龍膽 大黃 羌活

山梔仁 各等分

右為末煉蜜丸

地黃丸 門百

熟地黃 山茱萸肉

山藥 各四錢 牡丹皮



白茯苓 澤瀉 各二錢

右為末煉蜜丸

**瀉黃散** 直訣 治脾胃實熱

方見重舌門

**生熟地黃散** 門百 治小兒疳

眼閉合不開羞明怕日及

內障

生地黃 熟地黃

麥門冬 各二兩 當歸

枳殼 甘草 防風

杏仁 赤芍藥 各半兩

右入黑豆七粒煎

**小防風湯** 門百 治小兒熱毒

眼患

防風 羌活 山梔子

大黃 當歸 赤芍藥

甘草 各等分 水煎

**小流氣飲** 門百 治小兒風毒

眼患

蟬蛻 甘草 羌活

天麻 當歸 赤芍

防風 大黃 薄荷

杏仁 各等分 水煎

**決明散** 門百 治疹痘瘡入眼

天花粉 半兩 決明子

赤芍藥 甘草 各二錢半



右為末蜜水調下  
 蜜蒙花散 治痘入目翳  
 膜遮睛

蜜蒙花 菊花 蒺藜  
 石決明 木賊 羌活

右為末茶清調下  
 龍膽草散 治痘入眼或生障翳

龍膽 菊花 蒺藜  
 白芷 防風 黃連  
 蟬蛻 木賊 梔子  
 犀角飲 治眼疾

犀角 一兩 射干 龍膽

黃芩 各半兩 鈎藤 七錢半  
 人參 二兩 茯苓  
 甘草 各一錢半 水煎服

瀉肝散 治肝熱赤眼腫痛  
 梔子 荊芥 大黃  
 甘草 水煎

一方 治拳毛倒睫  
 地膚子 蒼朮  
 穀精草 水煎服

芍藥 人參 茯苓  
 白朮 陳皮 柴胡  
 考藥參茯散 治肝木尅脾土月割面青食少體倦



施子 甘草 水煎服

【一方】 治脾胃虛弱瀉痢  
眼生白膜 此方妄不傳  
初生小兒治目閉此胎中  
受熱故也熊膽少許水  
解 下日七八次可洗也

○耳病

耳者腎之候小兒耳病多  
風熱因上壅于耳遂使津  
液壅滯為膿汁者也亦因  
於沐浴水入耳中水濕停  
久搏於氣血為熱化亦令

耳膿

蔓荊子湯珠 治內熱耳出

膿汁

- 升麻 木通 麥門冬
  - 赤芍 前胡 桑白皮
  - 菊花 甘草 生地黃
  - 赤茯苓 蔓荊子 各等分
- 姜棗煎食後服

清上散 治上焦風熱耳

出膿汁頭面瘡癩

- 鬱金 乾葛 天花粉
  - 薄荷 桔梗 甘草
- 右為末入蜜拌勻白湯下



〔平〕**梔子清肝散** 直決 治三焦或

足少陽經風熱耳內作痒生瘡出水疼痛

柴胡 梔子 牡丹皮

甘草 茯苓 川芎

芍藥 當歸 牛蒡子

水煎

〔滋陰地黄丸〕 珠 治耳虛鳴

膿汁不乾腎陰不足

熟地黄 一兩 山茱萸 五錢

何首烏 白茯苓

牡丹皮 菊花

黃柏 各四錢 右煉蜜丸

○ キ龜胸 キ龜背 カメムシ カメノコ カメノコ

錢仲陽云龜胸者乃肺熱脹滿攻於胸膈即成龜胸

又乳母多食五辛而成此病龜背者兒生下風客於背因入於骨髓即成龜背

治以龜尿點其背上骨節自愈取尿之法用青連葉

放龜于荷葉上用鏡照之其尿自出云

赤水玄珠云古法惟有百

合丹枳殼防風丸及灸肺



俞曷俞二穴而已別無治法

〔百合丹〕珠 治龜胸

大黃 杏仁 天門冬

百合 木通 桑白皮

石羔 甜葶藶

右為末煉蜜丸菜豆大每

服五丸白湯臨睡服

〔枳殼防風丸〕珠 治龜背

枳殼 防風 獨活

前胡 麻黃 當歸

大黃 麵糊丸米飲下

〔灸法〕 肺俞穴第三椎下

兩傍各一寸半曷俞穴

第七椎下兩傍各一寸

半各灸三五壯

○滯頤

滯頤者涎自口流出而滯

干頤間故曰滯頤入門云

熱涎稠粘者乃胃火炎上

也宜通心飲或瀉黃散如

減冷涎自流者乃脾胃虛

冷不能收其津液宜木香

半復丸云

冷涎惟當溫脾益黃散木

香半復丸皆治之熱涎但



清其熱則涎自止

木香カウハシ半復丸門入治滯願

木香 半復 丁香各一兩

白姜 白朮 青皮

陳皮各二錢半

右為末 麵糊丸 米湯下

清脾散珠治滯願

白朮 滑石各五錢

茯苓 白扁豆

石斛各三錢 黃連酒炒二錢

葛根一錢半 甘州一錢

右末 灯心湯調下

溫胃散門百治滯願

半夏 人參 甘草

乾姜 白朮 肉豆蔻

丁香 姜煎

益黃散 治滯願 方見吐瀉門

通心飲 治滯願

木通 連翹 瞿麥

梔子 黃芩 甘草

燈心 麥門冬少許 水煎

○淋病

夫小兒諸淋者腎與膀胱熱也淋者淋瀝也尿竅澀滯小便淋瀝故謂之淋其



症小便出少而小腹急痛  
引臍是也

葵子散珠玄 治小兒諸淋

葵子 木通 車前子

瞿麥 赤茯苓 桑白皮

梔子 甘草各等分水煎

八正散珠玄 治心經蘊熱口燥

咽乾五淋小便澀及血淋

滑石 瞿麥 木通

大黃 扁蓄 車前子

梔子 甘草加燈心煎

五淋散珠玄 治膀胱有熱水道不通或尿如豆汁或如

沙石或膏淋或血淋

赤茯苓 赤芍 梔子

黃芩 甘草 當歸

加燈心煎服

血餘散珠玄 治血淋

髮灰二錢 蒲黃生 生地黃

甘草 赤茯苓各一錢

右煎調髮灰空心服

木通散 治小兒小便不通小腹疼痛

木通 滑石各二兩

黑牽牛子半兩

右燈心葱白煎服



○遺尿附尿床

赤水玄珠云遺尿者謂小便日夜時出多而不禁尿床者謂夜入床睡去乃小便出而不知也良由下元不足腎與膀胱虛冷所致故古方多用溫補下元之劑腎氣實則氣固而溺有統攝則不致遺失也云又云尿床者小兒常有之蓋男子十六而精通腎氣固即不為治至其時亦自

止若治之早則早止也亦有至老而不止者此下元虛冷也云

破故紙散珠治下元虛冷

遺尿尿床

破故紙一味末白湯調下

又方 益智生 茯苓

白茯苓 各等分

為末空心米飲下

遺尿方 益智 破故紙

烏藥各三錢 茯苓各錢

右為末空心米飲下

分清飲珠治通心氣補漏



園

精小便餘澀赤白濁

益智

草薺 石菖蒲

烏藥

灯心水煎服

○驚癇

小兒癇者多從驚風發也  
入門云驚風三發則為癇  
云小兒之惡病也病因者  
風驚食三種夫小兒臟腑  
脆弱血氣未充為風邪之  
所傷者名風癇因驚者名  
驚癇食時遇驚乳停滯大  
便酸臭或結成乳癖發者

名食癇其症卒仆地神氣  
佛鬱瞪眼直視面目牽引  
手足搐掣口吐涎沫又入  
門云病關五臟似驚風云  
心癇面赤目瞪吐舌心煩  
驚悸肝癇面青上竄手足  
拳攣抽掣腎癇面黑振目  
視人口吐清沫如尸不動  
脾癇面黃直視腹滿自利  
肺癇面白直視驚跳搖頭  
口吐涎沫此五臟之癇也  
癇病與驚風多相似而實  
非癇發時卒仆地作聲作



搐或上竄醒吐涎沫驚風  
 症則不然也蓋驚發後即  
 止癇發或一年一度或一  
 月一度或三五日再發或  
 受驚而再發或勞力勞心  
 而再發驚風則無此之類  
 癇有陰陽二證若癇病初  
 作時身體有熱抽掣啼叫  
 脈浮者為陽癇仆地多仰  
 病在六腑故易治若病身  
 體無熱手足清冷不抽掣  
 啼叫脈沉者為陰癇仆地  
 多覆卧病有五臟骨髓故

難治

紫霜丸門百 治痰火作癇

代赭石 赤石脂各二錢

杏仁二十箇 巴豆二十粒

右為末飲丸粟米大每服

五丸米飲下

五癇丸 治五癇

硃砂半兩 水銀二錢半

眞珠細研 雄黃各一兩

右為末蜜丸薄荷湯下

消風丸 治風癇先宜用此

牛膽南星 羌活

獨活 防風 天麻



人參 荊芥 川芎  
細辛 各一錢

右末蜜丸梧子大每二九  
薄苛紫蘇湯調下

比金丸門百 治驚癇先宜用此

人參 琥珀 遠志姜汁

茯苓 硃砂 石菖蒲

天麻 川芎 南星

青黛 各一錢 麝香 一字

右末蜜丸薄苛湯下

妙聖丹門百 治食癇

代赭石五分 雄黃

全蝎 硃砂 各一錢

輕粉 麝香 各一字

巴豆 三粒 杏仁 二錢

右為末棗肉丸梧桐子大

每服一丸木通煎湯調下

妙香散 治心氣不足驚

癇或精神恍惚虛煩少寐

盜汗等症

黃芪 山藥 茯苓

茯神 遠志各一兩 人參

桔梗 甘草各五錢 辰砂 三錢

木香二錢半 麝香 一錢

右末每服一錢白湯下

參星湯 虛而癇久不愈者



人參 五錢 南星 炮一兩

右為末每服一錢姜棗湯

下日二次

清神湯門百 治驚癇

犀角 遠志 姜汁炒

白蘇皮 人參

石菖蒲 甘艸 炙各一錢

右為末每服一錢麥門冬

煎湯調下

全蝎五癩丸門百 治小兒五癩

赤蜈蚣一條去頭足酒浸炙

南星 炮二錢半 麝香 一字

遠志 姜汁炒 白附子 生

全蝎 防風 硃砂

蘆薈 延胡索 各一錢

金銀箔 三十片

右為末糊丸菖蒲紫蘇湯

調下

○天鈞內鈞

天鈞者由乳母酒肉過度

毒氣入乳遂令乳兒心肺

生熱痰鬱氣滯加之外感

天風卒然壯熱驚悸眼目

翻騰手足抽掣或啼或笑

喜怒不常如邪祟狀甚者



爪申皆青身強如魚上釣之狀故曰天釣

內釣者腹中極痛唇唇黑囊腫眼內有紅筋身及張原胎中因受風寒受驚有此證內腸胃如釣上痛故曰內釣入門云內釣者內臟抽掣痛即釣腸氣云

釣藤飲

治天釣潮熱

- 釣藤 人參 各五分
- 全蝎 天麻 各二分
- 犀角 甘草 各一分 水煎

釣藤膏

治小兒內釣腹

中極痛偃啼

- 乳香 沒藥 木香
- 薑黃 各一錢 木鱉子 去油三箇

右為末蜜丸先用此藥定

痛後服魏木散

魏木散

- 莪木 五錢 阿魏 二錢

右先用温水化阿魏浸莪木一晝夜焙乾為末紫蘇煎湯或米飲調下

乳香丸

治內釣腹痛驚啼

- 乳香 五分 沒藥
- 沉香 各一錢 全蝎 十四箇



檳榔子一錢半

右末蜜丸菖蒲釣藤湯下

○腹痛

百門云夫腹痛者多因邪正交攻與臟氣相擊而作也按熱而痛者必面赤或壯熱手足熱挾冷而痛者必面色或白或青手足冷內釣等症見前

四順清涼飲治小兒熱痛

大便結小便澀

赤芍 當歸 甘草

大黃 各等分 水煎

加青皮 枳殼最可也

散火湯 小兒熱痛脈數者

黃連 白芍 梔子

枳殼 陳皮 厚朴

香附 川芎 木香

砂仁 茴香 甘草 煎水

七氣湯 治小兒冷痛

半夏 人參 肉桂

甘草 右姜棗煎

追蟲散 治小兒蟲積痛

凡腹疼口中出清水者虫積也宜之 史君子



檳榔子 水煎

椒梅湯春時痛時止者蟲

積也

烏梅 乾薑 山椒

檳榔 厚朴 木香

甘草 肉桂 川練子

破仁 香附 枳實煎

香砂平胃散春治食積痛

香附 破仁 厚朴

蒼朮 陳皮 枳殼

查字 神麴 木香

肉桂 乾薑 甘草

水煎服

○疝氣附陰腫

夫小兒疝氣者在脘時因父服熱藥其熱毒之氣滯於下有得者或生下後坐濕地而有得者兒多啼不已冷氣傳下焦而有成此疾者小兒陰囊腫者足少陰為腎之經其氣下通於陰少陰之經虛而受風邪者邪氣留於陰不散與氣血相搏陰囊腫者也  
五苓散 治水道不分以



成疝氣

澤瀉 猪苓 白朮

茯苓 肉桂

右為末每服二錢熱湯調下多飲熱湯有汗出即愈

桃仁丸

治小兒陰囊腫

桃仁 肉桂 牡丹皮

大黃 黑牽牛子

白茯苓子各二錢

右為末煉蜜丸青皮木香

葱白煎湯入塩少許送下

青木香丸

治寬中快膈

脇痛心下 堅痞腸中水聲

及陰腫等症

黑牽牛 木香

補骨脂 葶澄茄

檳榔子各四錢

右先將粟米飯包檳榔又用濕紙裹煨令焦去飯取

檳榔全前藥為末滴水丸

菘豆大每服廿丸白湯送下

牡丹皮散

治小兒癩疔偏墜

牡丹皮 防風各等分

右為末每服二錢酒調服若不飲酒者白湯入塩下

又方

治偏墜



五苓散加防風牡丹皮  
極効此症有熱者服三

黃丸

三黃丸

黃連 黃芩

大黃 各等分

右爲末煉蜜丸

○蛇蟲

小兒好因食甘肥生冷而  
傷脾胃生濕熱濕熱久則  
生虫也其爲患腹中痛上  
下往來痛有休止或攻心  
痛口吐涎沫或吐清水肌

體羸瘦面色青黃飲食難  
進或爲寒或爲熱卽是此  
症也

直訣云治法但當調補脾

胃爲主云

史君子丸 治小兒五疳

脾胃不和心腹脹時復疔  
痛不進飲食漸至羸瘦

史君子肉 湯浸去黑皮二兩

厚朴 陳皮 白芍藥

川芎 甘草 各二錢半

右爲末煉蜜丸米飲下

化蟲丸 治小兒蟲咬心



痛不思飲食

鶴虱 胡粉 檳榔子

苦練根皮 各五錢

明礬 三錢半 微火煨

右末 麴糊丸 白湯入香油

二滴 吞下 食前服 如有小

蟲皆化 爲水 大虫即從大

便而下 初服甚効

烏梅丸 治蛇厥當吐蛇

烏梅 三十三箇 黃連 二兩

乾姜 一兩二錢 川椒

當歸 各四錢 細辛

人參 附子

桂枝 黃柏 各七錢

右末 用酒浸烏梅肉一宿

蒸飯搗爲丸 米飲下 忌生

冷等物

靈礬散 治小兒蟲咬心

痛欲絕

五靈芝 末二錢 明礬 五分

共末 水煎服 當吐出虫

即愈

直訣云 丹溪先生云 冬月

吐蟲多是胃氣之虛寒用

錢氏白朮散加丁香二粒

補之可見小兒之虫皆飲



食傷脾所致云

○黃疸

黃疸者脾胃濕熱也錢氏云身痛背強大小便澀下  
身盡黃小便黃赤此黃疸也  
也瀉者難治別有一症初  
生百日或半年不因病而  
身黃者胃熱胎疸也若淡  
黃兼白者胃怯也云  
茯苓滲濕湯春治小兒黃  
疸寒熱嘔吐而渴欲飲水  
身體面自俱黃小便不通

不得安卧不思食

茯苓 茵陳 梔子

黃連 黃芩 防已

白朮 蒼朮 陳皮

青皮 枳殼 朱苓各一錢

澤瀉三分 水煎

犀角散 治小兒黃疸下

身盡黃

犀角五錢 茵陳 生地黃

乾葛 升麻 龍膽各一錢半

寒水石一錢半 白水煎

又方 治黃疸

茵陳 木通 梔子



大黃 石羔 甘草煎水

〔生地黄湯〕 治胃熱胎疽

生地黄 當歸

赤芍藥 川芎 各等分

水煎乳母宜服

〔調中丸〕 治小兒淡黃兼

百此脾胃虛寒也

白朮 人參 甘草各五錢

乾姜四錢 為末用蜜丸

茵陳湯 治身熱鼻乾汗

出二便赤澁濕熱發黃

茵陳六錢 山梔子三箇

大黃二錢 水煎

○腫脹シユチガハル

夫腫脹二症皆由虛中有積其症多端從輕重察虛實可施治有濕腫有毒氣腫瀉痢虛腫氣血虛腫疳腫脹蛔氣腫等各從其症可治矣

〔分氣飲〕 治小兒榮衛不順腫脹喘急

桔梗 赤苓 桑白皮

陳皮 枳殼 大腹皮

半夏 紫蘓 紫蘓子



甘草 各二錢

草菓 一錢

姜棗煎

分消湯春 治小兒水腫

蒼朮 白朮 赤茯苓

陳皮 厚朴 枳實

猪苓 澤瀉 大腹皮

香附 砂仁 木香

姜燈艸煎

五疳保童丸門百 治五種疳疾

五倍子生 苦練根皮

夜明沙 青黛

蘆薈 乾蟾炙去骨皮

龍膽生 熊膽

麝香研 黃連

蕪荑仁取仁 蟬退 各等分

為末 粟米糊丸 米飲下

食毒氣傷脾胃致腫者調

胃氣消食毒愈瀉痢之人

脾氣亦虛是以致腫者調

補胃氣可愈

一方 治蛔氣腫 此方妄不傳

○癰癤附 腸癰

夫癰癤二症者皆由氣血  
凝滯而熱毒氣聚之故結  
聚成癰癤也多有從風毒



因

發者或因氣滯有發者或因食毒有發者也

入門云瘡形高色赤作痛小則為癰大則為癰云

腸癰者濕熱鬱積成癰其症小腹腫硬按之則痛小便澀若淋時汗出惡寒或

發熱無汗洒淅惡寒皆其症也甚者腹脹轉側腹有水聲或遠臍生瘡或膿從臍出或大便下膿血皆為惡症

荆防敗毒散 初發先可服之

防風 荆芥 金銀花 羌活 獨活 柴胡 前胡 薄荷 連翹 桔梗 枳殼 川芎 茯苓 甘草 水煎

漏蘆散 治小兒癰瘡及丹毒瘡癰

漏蘆 麻黃 芒硝 連翹 黃芩 升麻 甘草 各二錢半 大黃一兩炒 白欬七錢半 水煎

大連翹飲 治瘡疹壯熱小便不通諸般瘡癰丹毒

連翹 黃芩 升麻 甘草 各二錢半 大黃一兩炒 白欬七錢半 水煎

連翹 黃芩 升麻 甘草 各二錢半 大黃一兩炒 白欬七錢半 水煎

連翹 黃芩 升麻 甘草 各二錢半 大黃一兩炒 白欬七錢半 水煎

連翹 黃芩 升麻 甘草 各二錢半 大黃一兩炒 白欬七錢半 水煎

連翹 黃芩 升麻 甘草 各二錢半 大黃一兩炒 白欬七錢半 水煎



疔風 方見諸熱門

涼膈散門百 小兒臟腑積熱

煩躁多渴唇焦咽燥舌腫

喉腫目赤口舌生瘡睡卧

不寧譫語狂妄腸胃燥結

二便赤澁一切風腫並宜

服之

大黃 芒硝 甘草各一兩

連翹二兩 梔子 黃芩

薄荷各半兩

入竹葉蜜少許水煎

連翹散 治瘡瘍癰腫下

切惡瘡疼痛煩渴大便滯

泄虛熱不安

連翹 防風 山梔子

甘草各等分 水煎

仙方活命飲 治一切瘡毒

未成內消已成即潰此消

毒排膿止痛之聖藥也若

膿出腫痛不止者元氣之

虛當補之

白芷 防風 川山甲各一兩

沒藥 甘草 赤芍藥

當歸 乳香 天花粉

貝母 陳皮 金銀花

皂角刺 酒入少許煎



消癰蒼耳湯珠但小腹作

痛惡寒肚皮緊急一足不能步即此腸癰也

蒼耳子二錢 瓜蒌仁

杏仁 薄芎各錢 甘草五分

入酒煎其渣敷臍上二

服見効有膿者加木香

當歸各五分

薏苡仁湯珠腸癰腹中疼

小便澁

薏苡仁 瓜蒌仁

牡丹皮 桃仁各三錢

水煎食前服

因托散 凡潰後宜此方

人參 黃芪 當歸

厚朴 桔梗 肉桂

川芎 防風 白芷

甘草各等分 水煎

○麻疹

夫小兒麻疹之症乃天行

時氣熱蘊積於胃胃主肌

肉故毒氣薰蒸發於肌肉

狀如蚊子所嚙此症與發

斑不同發斑乃如綿紋有

空缺處如雲頭之狀麻疹



不然乃遍身無空缺處但  
疎密之不同出如麻瘡頂  
平內有清水此胎毒之一  
也赤者十生一死黑者十  
死一生也色見紅者兼火  
化也色白者此血不足也  
色紫赤乾燥乃火盛毒熾  
此亦五死一生症也  
凡麻疹發熱之初多似傷  
寒惟疹咳嗽噴嚏呵欠寒  
熱鼻流清涕面赤中指冷  
惡心乾嘔為異耳  
疹出後切不可戒風寒生冷

若一犯之毒氣壅滯攻內  
諸症作矣

一疹已出而又沒者乃風寒  
所逼而然也若不早治毒  
攻內死急可用消毒飲疹  
出而安矣

一疹出時咽喉腫痛不能飲  
食者此火毒拂鬱上薰咽  
喉也宜甘桔湯加玄參牛  
旁子連翹治之妄用鍼不  
可出血也

一麻疹之出常以六時即收  
為度如子後為陽午後收



午後為陰子後即收乃生  
陽而成陰生陰而成陽造  
化自然之妙也故漸出漸  
收者可也若一出之後熱  
不退連綿三四日而不收  
者此火毒太盛外發未盡  
內有餘邪所致也以化班  
湯消毒飲可治之  
一麻疹收之後飲食如常外  
雖無病卒然心腹絞痛一  
身汗出如水者此因元氣  
虛弱失於補養朝發夕死  
症也

一麻疹雖喜清涼痘發溫後  
不易之論虛則補實則瀉  
醫家活法也故治麻亦有  
血虛而用四物湯氣虛用  
四君子湯天寒傷冷則溫  
中理中之藥一時之權也  
外麻葛根湯保赤全書治小兒瘡  
疹已發未發疑似之間及  
傷寒傷風頭痛憎寒壯熱

外麻 乾葛 白芍  
甘草 姜葱水煎服

消毒飲

防風 荆芥 牛旁子



固

甘艸 入姜煎

甘桔湯 治咽喉腫痛

甘艸 桔梗 水煎服

化斑湯 治麻痘色紅

人參 知母 牛旁子

石膏 連翹 地骨皮

外麻 甘艸 淡竹葉

糯米 右水煎

食滯湯 治麻痘色白

人參 當歸 紅花

芍藥 甘艸 水煎

四物湯

當歸 川芎 地黃

芍藥 水煎

四君子湯 人參 白朮 茯苓

甘草 水煎

理中湯 人參 白朮 乾姜

清金降火湯 治麻疹後熱

甘艸 水煎

紫蘆 陳皮 黃連

乘肺金聲啞不出或咳或喘

黃芩 梔子 瓜蒌仁

貝母 天門冬 麥門冬

當歸 白芍 生地黃



茯苓 杏仁 桑白皮  
玄參 石膏 甘草  
姜煎服

黃連解毒湯白虎湯涼膈散之類從症可撰用

○水痘

夫水痘熱二三日而出如赤小豆大皮薄易出易靨但用輕劑可解之

小麥湯

滑石 甘草 地骨皮  
人參 麻黃 大黃

知母 羌活 葶藶  
小麥七粒水煎

羌活散

羌活 獨活 前胡  
柴胡 川芎 白朮  
桔梗 枳殼 人參  
天麻 地骨皮 各等分  
甘草減半 右姜煎服

○痘瘡

夫陰陽和合萬物生男女交合人生男女交合之道無不有恣情肆慾則無火



不動胎中滯火毒遺於精血之門生後啼聲一發悉歸命門遇歲火運或遇天行時熱同氣相求而發若痘有多少由毒有淺深而吉凶生死亦于此判焉蓋始發之時有因傷風傷寒而得者有因時氣傳染而得者有因傷食嘔吐而得者或有因驚恐得者皆能感動胎毒察其何因所起可施治概以外麻葛根湯表之是失病因也

一痘瘡症面色燥腮赤眼胞亦赤呵欠煩悶乍涼乍熱咳嗽嚏噴頭痛腰背痛手足稍冷夜臥驚悸多睡耳尖冷鼈冷身熱如此五臟之証皆見

調護之法首尾俱大不可汗下但溫涼之劑兼而濟之解毒和中而已凡熱不可驟解但輕可解之若無熱則瘡又不能發也喻之種豆值天時暄煖則易生虛者補之實者瀉之冷者



國  
溫之熱者涼之是為權度

痘証日數

|      |      |
|------|------|
| 三日發熱 | 三日出痘 |
| 三日起服 | 三日貫膿 |
| 三日收靨 |      |

此常數也輕者不拘常數重者則出常數之外也

脉

保赤全書云痘以發熱至起脹時毒從內出陽之候也脉宜浮大而數不宜沉細而遲自收靨以後毒從外解陰之候也脉宜和緩

不宜洪數云

入門云痘者豆也象豆形色豆色惟欲圓滿硬實不宜陷有皮嫩易破云

發熱三日決生死法

發熱時身熱和緩或熱或退飲食如常大便調小便清利而無雜症者吉也

發熱時先發驚搐者吉也驚則毒從心經而出故也

發熱時吐瀉而則止者吉也毒氣上下皆泄故也

發熱時頭面一片紅如烟



脂者六日後決死

一發熱時熱如<sup>ノ</sup>尉手<sup>ノ</sup>眼紅<sup>ニ</sup>口

唇紫黑<sup>ハ</sup>破裂<sup>ス</sup>者死

一發熱時見<sup>ス</sup>紫黑<sup>ニ</sup>斑者死

一發熱時胸高<sup>ニ</sup>而突<sup>ス</sup>者死

出痘三日決生死法

一出痘時頭面少<sup>ク</sup>胸前背上

無<sup>ク</sup>痘根<sup>ニ</sup>窠紅<sup>ニ</sup>潤者吉也

一出痘時三五相連者必多

單見形者必少

一出痘時遍身如<sup>ク</sup>蚊虫<sup>ノ</sup>咬者

多死此乃<sup>チ</sup>斑毒<sup>ノ</sup>壅<sup>ル</sup>于肌膚

不得<sup>テ</sup>透<sup>ル</sup>出故也急宜清熱

散血快<sup>ク</sup>斑猶<sup>テ</sup>或可<sup>ク</sup>生

一出痘時色白<sup>ク</sup>與肉<sup>ト</sup>一般久

不<sup>レ</sup>轉者死

一出痘時色紫黑<sup>ク</sup>乾<sup>ク</sup>枯者死

一痘舌捲<sup>リ</sup>囊<sup>ヲ</sup>縮者死

起脹三日決生死法

一出痘當<sup>テ</sup>二日之後漸起脹

肥滿光澤面自漸腫飲食

如常者吉也

一痘當起脹之時頭面不起

脹雖<sup>モ</sup>遍身皆壯者死

一痘當起脹之時色紫黑不

起脹<sup>ニ</sup>乾燥<sup>ニ</sup>不潤者死



一痘當起脹之時遍身痘陷  
伏不起脹者腹中膨脹不  
能飲食氣促神昏者決死  
一痘當起脹之時腰腹大痛  
者死

貫膿三日決生死法

痘當貫膿之時根窠紅潤  
貫膿其形圓滿光澤一便  
如常飲食不減將手按之  
其皮堅硬而無他症者吉也  
一痘當貫膿之時頭面腫大  
瘡盡抓破臭不可聞及紫  
黑者死

一痘當貫膿之時諸痘有漿  
天庭不貫膿者死

一痘當貫膿之時面腫早退  
瘡陷無膿目無神光者死  
痘當貫膿之時吐利不止  
或一二便下血乳食不化痘  
爛無膿者決死

痘當貫膿之時二便不通  
目閉聲啞腹中脹滿肌肉  
黑者即死

收靨三日決生死法

一痘當收靨之時血盡毒解  
其膿漸乾如蒼蠟色或如



葡萄色從口鼻兩傍或面部收靨至胸腹而下飲食二便如常者吉也

一痘當收靨之時痘皆未收靨口唇先腐爛及唇白到舌者死

一痘至收靨之時不訖飲食口唇常如食物而動不止者死

一痘至收靨之時不收靨痰壅喘急聲啞目閉無神者死落痂決生死法

一痂落痂帶紅色而不凹凸

飲食二便如常者吉也

一自食痘痂雖有他症不死

一痂雖落而痂如雪白少無

血色者氣血大虛也過三

月多死

一痂後發驚心氣已絕神無所依死

預防痘治法

凡天行痘瘡鄰正發宜

預服此能活血解毒入

門云太古無痘疹周末秦

初乃有之云

〔三豆湯〕 赤小豆 黑豆



菜豆 各等分 甘草 減半  
水煮熟任意七日飲之  
痘永不<sub>レ</sub>出

龍鳳膏

蛇 一條細小紅活白頸者佳也

雞卵 一个

右以雞卵開一小竅入蛇  
蚓在內以紙糊閉其竅飯  
上蒸熟去蛇蚓與兒食之  
每歲立春日食之終身不  
出痘瘡妙也

治痘諸方

外麻葛根湯

治初熱壯

甚疑似未明服此或痘已  
出而表熱甚者

外麻 乾葛 白芍藥

甘草 姜煎

加山查子 牛旁子 尤可

如熱甚加酒炒黃芩黃

連能解熱解痘毒

參蘓飲

治壯熱風痰寒

熱體痛咳嗽

陳皮 茯苓 半夏

甘草 枳梗 紫蘓

乾葛 前胡 枳殼 煎

惺惺散

治痘頭痛壯熱



喘急

人参 白朮 白茯苓

桔梗 薄荷 天花粉

細辛 甘草 各等分 姜煎

神功散

治痘出毒氣太

盛血紅一片不分地界如蚊蚕種或諸失血或吐瀉七日前諸症可服

黃芪 人参 生地黃

白芍 紫艸 牛旁子

紅花 各等分 前胡

甘草 減半 水煎

一痘出二三日內頂陷者非虛

也用神功散活血退火

一痘色帶白者為氣虛保元

湯去其艸加紫草

一痘色帶紫者為血熱四物

湯加芩連紅花

保元湯

黃芪 三錢 人参 一錢

甘草 一錢 姜煎

凡痘瘡發渴者為氣虛而津液枯竭保元湯加麥門冬五味子止如不止參苓白朮散可也

大保元湯

治頂陷根窠



雖紅而皮軟且薄血有餘而氣不足也

黃芪 人參 甘草  
川芎 官桂 白朮

加姜棗煎  
不食者加人乳半鐘

紫草木香湯 治痘瘡出不  
快大便洩利

紫草 水香 白朮  
茯苓 各等分 甘草少許

右入糯米煎

蓋紫草能利大便水香白  
水所以佐之也

內托散

治痘不起發根  
窠不紅灰白色咬牙寒戰  
此貫膿之妙方也

人參 黃芪 甘草  
川芎 當歸 防風  
白芷 桔梗 白芍  
厚朴 木香 肉桂  
加姜棗煎

若色紅紫者去肉桂木  
香加紫草紅花黃芪

人參歸薯湯

治痘頂不起  
雖或成漿而皮軟色白乃  
氣血不足之症也



黃芪 人參 甘草  
當歸 川芎 官桂  
白朮 紅花 山查子  
姜煎

灌膿起頂散

治痘或灰

白或紅紫黑陷不起發

黃芪 山查子 各八分  
人參 六分 白朮 陳皮  
當歸 川芎 各五分  
甘草 三分 木香 川山甲  
淫羊藿 各二分 肉桂 三厘

右加姜棗水煎

陳氏水香散

治小兒痘瘡

冷症或腹脹泄瀉而作渴  
或寒戰咬牙瘡不結痂並  
宜服之

木香 二錢 前胡 訶子肉  
陳皮 丁香 大腹皮  
官桂 人參 赤茯苓  
半笈 甘艸 各三錢 水煎

異功散

治小兒痘瘡冷

症或寒戰咬牙瘡場泄瀉  
宜服之此藥能調和陰陽  
滋養血氣便痘瘡易出易  
靨不致瘵場

木香 當歸 人參



陳皮 厚朴 丁香

肉豆蔻 各二錢 芬肉桂

茯苓 白木錢 各二錢 半隻

附子 各錢 加姜棗煎

清金導赤飲 治痘熱乘

肺金當屬不屬作喘發熱

譫語小便不利

當歸 白芍 陳皮

貝母 石膏 白茯苓

芩艸 黃芩 黃連

杏仁 枳殼 桑白皮

木通 滑石 麥門冬

人參 玄參 車前子

白水煎服

四物湯 養血

當歸 川芎 熟地黃

白芍 木煎服

參苓白朮散 治痘熱不退

煩渴不止首尾通用

人參 白朮 茯苓

甘草 乾葛 木香

藿香 麥門冬 各等分

水煎服

荊防敗毒散 治痘後餘毒

發癰腫 方見癰癤門

消毒飲 見痧疹門



〔大連翹飲〕 見諸熱門

俱治痘後癰毒

〔蜜蒙花散〕 治痘入目翳

膜遮睛

蜜蒙花 菊花

石決明 蒺藜子

木賊 羌活

右末茶清調下

〔龍膽草散〕 治痘入眼或

生障翳

龍膽 菊花 蒺藜

白芷 防風 黃連

蟬蛻 木賊 梔子

水煎服

〔去瘡疹癩方〕

蜜陀僧

右為細末水調塗甚效也

小兒活法終



一君

二臣

老カキウ奴キキウ

屠會

刺ヒヤク苻シフ

連屏

太フク空クウ

鬼キ核カク

和ワ蜜ミツ

茅チ假カ

貴キ漫マン

草クサ下カ

下カ精セイ

德トク林リン

羌キヤウ翁ウウ

王ウウ索ソク

彼カ稱ショウ積セキ洞ドウ

莎サ斬カン莪エ細サイ

拱コウ櫛シ

苜モウ珖シュウ

越ケツ翰ハン

將ショウ雪セツ

美ミ人ニン擅テン倍ペイ

昔シヤク弄ロウ

定テイ

周シュウ紉シュウ西シ











骨<sup>シツ</sup> 八<sup>ハチ</sup> 五<sup>イ</sup> 掌<sup>テ</sup> 指<sup>ニ</sup> 二<sup>ニ</sup>





西華書局藏



